

Jekabaara

Jamana



Cikela ceman n'a musoman kunnafoni seben

a be bo kalo o kalo
Jamana baarada la BP 2043 Bamako (Mali)


Koori kunkan lajebaw kekunw n'u taasiraw

Ne 3nan

Kalo ladilikan

An ka sumayabana kunben. Awirilikalo tile 25 kera don kerénekrennen ye Afiriki kono, ka jésin sumayabana n'a nöfe kasaaraw keleli ma. O ka kan, n'an y'a dón ko san o san; maa miliyon kelen ni murumuru caman de be somayséma k'o sababu ke sumayabana ye Afiriki kono. Bana in dun juguya n'a ta o ta, an yérew ka fén labasigita de don. Ale ju be "anofeli" de la, n'o ye soso musoman ye. N'i dun ko soso, siga t'a la i ko jisigidaw ni totakolonw ani namaw basigiyoro. N'olu si te du min kono, n'olu si te dugu min kono; n'olu si te jamana min kono, i k'a dón soso te kasi yen sanko ka fan da, kuma te sumaya banakisé dō tali ma bana-baato la ka t'o don kenebaato la cinnisenfe. San o san, an ka denmisen caman de fana be dasi sumayabana fe ka d'an senkoró, fura were te min na jelenya gansan ko ! N'teri e n'i nügönnaw bee, aw k'a dón ko banakunben kafisa banafurake ye. O de kafisa an bee ma, ka masoró farikolo keneman de be fasojowale berberé ke. Bana ma ni. Bana ni basigi man kan an bara, sanko banajugu. Sumayabana ka jugu haali, nka fén keléko nügönn dón. An ka wuli k'an cesiri a kanma, n'o kera an be bo an yére nunma !

Tumani Yalam Sidibe



Banankuséne donna da la Segu malosénebaarada (ORS) fe

Ne 8nan

Baara be sen kan "world vision" ka maraw kono

Ne 10nan

Boko nata kono, aw bëna aw ka maana kun miné kokura, n'o ye cenibilennin ka maana ye.

"Kalan be mogo son hakili la, nka kunnafoni be mogo bë kunpan na". Yoro Ulen Sidibe

Kooribaara taabolo ka netaa ka sabati ...

San 2001 nan Awirilikalo tile 17, a tile 18, ka t'a kunce a tile 19 na, lajeba kera Bamako, kooribaara taabolo kono gelleyaw kan an ka jamana kono. Bamako ni Mali jamana duguba tow bee kono, cikelaw togolamogow bora ka na laje in kene nimmaya. Laje in kene kan, gundo ma da gelleya si kan, awa bee lajelen y'i feta fo. CMDT ni koorisene tigilamogow bee, fo ka taa se koorisenenaw yere ma, ninnu bee da donna kuma na. Hali cikelaw ka netaa demebaradaw, i n'a fo banki, ani koorifuraw dilanbagaw an'u feerebagaw, ninnu bee y'u fetaw fo, kooribaara taabolo kono gelleya bee fesefesera u ne kumbaw la, fo ka s'u ne misenw ma, nin si ma to tentenbali ye.

Tine don, i n'a fo Mali cikelaw ka soba jekuluton nemaaba y'a jira cogo min na, n'o ye Seku Umar Tali ye, "a te se ka faamu cogo di Mali min ye senekejamana ye, o te se ka kori san kilo doreme 40 na cikelaw bolo". Nka, tine don fana ko cikelaw man kan ka jugun cike la, fo ka taa s'u yere makosawalew keli ma. An ka jogon faamu, ka je k'an kunkan gelleyaw bee nejini ji nemajolen na. Maa be dusu k'i yere mako ne, nka maa te dusu k'i yere tine. Tine don, bee ka kan ka baloko numan soro i ka baara la. Baara sanjikorwoosi kun te. Nka cikelaw ni fasoden tow bee fana ka kan k'a don ko "nunu te san soro juru k'o". Anw de ye juru ye. Anw sebennikelaw, anw cikelaw ; anw

fasodenku Awa nunu ye faso de ye. A ka netaa te se ka sabati anw ka fasokanu hakilinan k'o. Nin bee de kanma n be n ka wasa da kene kan. Kori koloma kalite fo songo sankorotara a kilo la. Baarasan nata, a bena san sefawari doreme 40 na. Alataanuko dere !

N hakili la maa be se k'a fo ko ben sabatira koorisenenaw ni kooribaara taabolo tigiyadaw bee ni jogon ce sa. Lajeba in kelen kofe, n be se k'a fo ko baarasan nata la, ko kooriko b'a ka dakun koro soro cikelaw bolo. An bee ka here b'o de la. Aw m'a ye maa te se ka taa k'i taamajogon min to, a man kan i ka taamafura dun k'o to. O man kan. N'i y'a men bi ko Mali, a koro fanba dulonnen don cikelaw la de. Nka, n'i y'a men fana ko cikelaw, maliko de b'u sinsin. "Ton be bolo la, awa bolo yere be fen na". An bee ka wuli k'an jo, k'an joyoro fa, n'o kera, an b'a ne an yere ma, ani ka here to an ko an denw ye. N'an be ko o ko ke, an k'o bila fasokanu jukoro. N'o kera, an yere b'an yere ladi ka soro dantemeko ma ke. Nin kuma in ka kan bee la : Fasodenw ; faso nemaaw ; cikelaw n'u demebaradaw ; dugubakonoma ni togodakonoma. An bee k'a don ko : kunnin - kunnin de be ke kunba ye.

Tumani Yalam Sidibe



Kunnafooni gelenw

A ma meen fo, sira konni dogokun kunnafonidi lajebaw kera. Sira ma ni. A minbaga ni garisetine, a ni kumajogon tooro, awa a ni si kutalla suran ! Sira ma ni. Awa, ni maa y'i ban i da la de i be siramugu walima sirasisi k'a kono. Aw ko di ? Nin fen nogolenba in, nin fen lagsilena in, mun na an t'a kele walasa k'an ka denbaya ka dijenatige norotigya.

Aw ye "COTEPRESSE" (KOTEPERESI) kunnafooni kalan Jekabaara ka kosaferobo kono. Yali aw b'a fe ka jenogonya ke n'a nemaaw ye wa ? Ni ohon, aw be se k'u lasoro jamana baarada la Bamako. N'o yere man di aw ye, aw be se k'u kumajogonya negejurusira in fe. 74 57 40. Aw n'u bee da be file kelen na fasokanw kunnafonisebenko la. Dow b'u magan ka kunnafooni jini ka bo yorow la, aw b'aw magan k'u kalan, u ladilannen k'o kunnafoniseben kono "Koteperesi" mogow ka magan fe. Jon kelenpe de ko ko no te ke dole ye a donbaga numan fe.

Ntonw be tineni na forow kono.

Ntonw yera ofisi di nizeri forow kono. Maa dow ka fo la, (minnu bora jono) ko ntonw cayara jono ani kurumari. Nin kuma in be ke sababu ye nemaaw ka labew sabati walasa ka dankari Ntonw na, bawo Ntonw ka tineni no ka bon kosebe. N ka sanni o ce, senekelaw sirannen don, u jorelen don.

Nka Ala k'an kisi ntonw ka kasara ma.

(Kunnafooni in bora,
"Les Echos" wele wele de kono)

Bayelemabagaw,
Idirisa Setigi Sako
Yusufu Fane

Koɔri kunkan lajeba lajeba

Gεleya caman bε Mali koɔrisene taabolo kono bi walasa ka fura soro geleyaw la koɔriko tigilamogow ye wulikajo caman ke feere lakikaw ninini siratige la.

Koɔri kunkan lajeba nebilakene sigiw kera 2001 san awirilikalo tile 6, 7 an'a tile 8, welesebugu ; siko so ani Segu. O kenesigidaw kera sababu ye koɔrisenew ni koɔrisene yiriwa baaradaw ka nogn soro kene kelen kan, hakili falen-falen dakun na, i n'a fo otiale (OHVN); CMDT ; Cikelaw ka neetaa deme-baarada (DNAMR) ; cikelaw ka sobajekuluw (APCAM) ; IER ; kafo jiginew ; kenyereye donitalaw ; senet yirwafenw laseli tigilamogow ; fo ka se bankiw ma.

O kenesigidaw kun tun ye ninnu de ye :

- ka kunnafoni jɔnjɔnw di cikelaw ma, min bε se k'a to u b'u joyɔrɔ fa koɔri kunkan lajeba kene kan ;

- ka kumada di cikelaw ma u ka se k'u joyɔrɔ fa koɔri kunkan lajeba hakilijagabokuluw kono, koɔrisene taabolo labenboloko kan.

- Kenesigida ninnu nemogoya tun bε Mali cikelaw ka soba jekulu de bolo, n'o ye "APCAM" ye. Awa u baaraw bolila nin fen ninnu de kan :

- Mogo faamuyalenw ka koɔnejini taabolo bakurunbaw fasirili

- An siginogon jamanaw ka feere sɔrɔlen koɔri taabolo labenboloko la


- koɔribara taabolo labenbolo bε se ka wolo baarabolo minnu na olu file :

- Hakilijagabɔ in barosigi jemukan naani kan.

Barosigi kera jemukan minnu kan kenesigida ninnu senfe, olu file :

- CMDT senboli buru ka baara ketaw waleyali la.

- juruko ni senet nafafenw laseli cikelaw ma fo ka se cikeminew



ma.

- Koɔribara taabolo dayeleli jama bε ye.

- cikelaw ka neetaa sabatili jekuluw taabolow labenni.

kenesigidaw bolen kɔ yen, se kera lajeba yere kene kan awirilikalo tile 17 ; 18, fo a tile 19, san 2001. Lajeba in kera Bamako lajesoba la min bε wele ko "kongere pale" cikela maa 100 ni kɔ yera lajeba in kene kan. CMDT ni OHVN ani bankiw ni kafo jiginew ; fo ka se IER ni senet nafafenw lasebagaw ma ani kenyereye donitalaw, ni cikelaw ka soba jekuluw (APCAM), ani neetaademe da werew fana tun b'a kene kan.

Koɔri kunkan lajeba in baaraw kɔrɔnbokarijemukan fɔra an ka minisiri nemaa fe, n'o ye Mande Sidibe ye. (nε 4).

Koɔri kunkan lajeba in kene nemaya tun bε cikedaw ka neetaa ani jiko minisiri bolo, n'o ye Eli Madani jalo ye.

Lajeba in baaraw bolila nin dakunw de kan :

- Jemukanw koɔribara taabolo ka sankɔrɔtasira kan ; koɔribara taabolo kono geleyaw kan ; koɔribara taabolo ka baaranafolo sɔrosira ani nefoli kalanbolo woɔro kan minnu kera koɔribara taabolo

dakun na.

- Hakilijagabɔ ni barodasigi kera taabolo saba kan.

Barodasigi kera taabolo minnu kan koɔri kunkan lajeba kene kan, olu file : cikedaw ka neetaajekuluw labenni, juruko siratige ; senet nafafenw laseli ; senekeminew sɔrɔli ; cikelaw ka jigiyadaw cike siratige la ; koɔri koloma songoko.

- CMDT senboli buru ka baara ketaw waleyali la ani a labenbolo kura.

- Fura sɔrosiraw ni yelema donni ye CMDT taabolo la.

Barodasigiw kuncera ni laniniw ye jama benna minnu kan.

O lanininw boli u sira fe, o bεna ni geleyaw dalasali ye, ani ka neetaasen kura don koɔribara taabolo kɔrɔ an ka jamana kono.

Koɔri kunkan lajeba in kuncejemukan kono, cikedaw yiriwali, ni jiko minisiri ye koɔri koloma kalite fɔlo songo da jama tulo kan san 2001/2002 baarasan kanma. O ye sefawari dɔrɔmɛ 40 ye kilo la. Koɔri kunkan lajeba kene sigibaga bε nisondiyalen seginna u bara

Nin sεben in bora CMDT
Kalanko baarabolofara
yɔrɔ (DTDR). Bayelemabaga :
Tumani Yalam Sidibe

Mali koɔribaaalaw ka lajeba kerenkerennen Minisiri nemogc ka jemukan

Mali depitebulon nemogc
Goferenaman mogew, ce ni
muso

Dunanw ni mogc welelenw,
Laje mogew,

Ce ni muso

N balima koɔrisenew,

N'aw hakili b'a la, an ka nɔgonye
laban na, layidu tara an ye ko
segin be ke koɔrisene ma ninan,
san 2001/2002, kabini samiue
mana don.

Bi, n nisondiyalen de ne b'a la
aw nana an ka wele jaabi, cogo
min anw ni aw, an be sini koɔribaa-
ra yiriwalisira bo, koɔribaa min
joyorɔ ka bon kosebe an ka jamana
sɔrɔ yiriwali la.

Walasa k'an deme o baara in
na, an demebagaw fana y'an ka
wele jaabi.

Aw nani diyara an ye kosebe.

N balimaw,

Koɔri sɔrɔ bɔra toni 121 000
nɔgɔnna na san 1982/83 ka na toni
523 000 la san 1997/98. Iziniw,
wurusilikefanga temena o sira
kelen in fe fo ka t'a se toni 516 000
ma.

Nka nin taabolo numan in
temena geleyaw cema.

Geleya kura min be yen ni
koɔribaa b'a konbi, o ka jugu n'a
be ye.

Koɔri sɔngɔ binni dije koɔrisugu
la ka se %43 ma san 1998-1999
konona na, ani baara kekojuguya, o
kera sababu ye ka CMDT coron
kosebe nafoloko siratige la kabini
san 1999. Nin waleya nana ni
sumaya donni ye senekelaw ka
koɔri ni bankiw ka juru sarali la.
Geleya nana wara ka da koɔri
senebaliya kan senekelaw fe san
2000/2001. O wolola koɔri sɔngɔ
jiginna na ka se %50 ma. Geleya in
kolbɔw yeleenna kosebe jamana ka
nanaya kan sɔrɔko siratige la.

Jamana sɔrɔ degunna ka da taji-
mafénw sɔngɔ yelenni ani sanu ni

sumankisew sɔngɔ jiginni kan.

Baaraw kera cakeda werew la
sɔrɔko yiriwali kanma, nka o bee la
ninan be ke san gelén ye.

N balimaw

Joyorɔ gelénba min be koɔribaa-
ra la jamana sɔrɔko siratige la,
kerenkerennenya na mogc miliyon
3 bolo, olu minnu be balo koɔri
sene na, o joyorɔ dogolen te. Wa
hali waati jan kon, koɔri bëna to o
joyorɔba in fali la Mali jamana sɔrɔ
n'a hadamadenya yiriwali la.

Mali goferenaman ka taabolo ka
kan ka nesin cogoya numanw sigi-
lima sen kan walasa koɔribaa-
ra sɔrɔ be ke sɔrɔ sabatilen ani sɔrɔ
mëenta ye. O siratige la, a wajibiyalen be :

- Ka senekelaw ladusu sene keli
kanma ni sɔngɔ dili ye u ma min b'u
nafa, ani magonebaara numanw
lasoroli ye u fe, minnu be ben u ma;

- Ka waleyaw ke minnu b'a to ni
koɔribaa b'e sabati kosebe k'a ke
baara nafama ye.

- Ka koɔribaa latanga ka bo
kɔkangelyaw ma ni koɔri sɔrɔlenw
bayelemani ye an yere fe yan.

- Koɔribaa mana sɔrɔ ke tuma
o tuma ka teme, ka o ke ka jamana
sɔrɔ yiriwasiraw lacaya.

Yelema o yelema be don
koɔribaa la, o ka kan ka jatemine
ke nin dakunw la.

Nka sisannin na, walasa ka
senekelaw lason teliya la koɔrisene
ma, goferenaman y'a kanu ka u
lamen walasa k'u haminanankow
don kosebe. O de la, benkan
temena a ni u ni nɔgɔn ce, min
konko ye dakun 11 ye. Bi-bi in na,
benkan in dakun 11 bee tiimena.
Goferenaman ye demedon ke fana
ka nesin CMDT ma, cogo min a be
san 2000/2001 koɔrisene laben,
bilakasuma tēna don min sannifee-
re la.

O bee boen ko yen, walasa
yelema be teliya, Goferenaman



ye jekulu kerenkerennen do sigi
sen kan, n'o be wele ko koɔribaa-
labennijekulu.

Nin layiduw tiimeni goferenaman
fe, o kera sababu ye ka
bolodinogonma lana senekelaw ni
nɔgɔn ce.

N balimaw,

Nin hukumu de konona na,
koɔribaaalaw ka lajeba be damine
bi walasa senekelaw ni CMDT ni
Goferenaman, ani u demebagaw
be lajeli ke nɔgɔn fe, geleya sababu
la, ani feere minnu be na ni
sɔrɔ sabatili ye.


Nininkali caman be yen aw ka
kan ka minnu jaabi i n'a fo nin
nininkali gelén in :

Geleya min be yen bi, a bora
dije waati geleya la wa, walima a
sɔrɔla koɔribaa yere cogo de fe?

Yelema suguya minnu ka kan ka
ke waati kuntaala surun ani waati
kuntaala hakelama kon, o
yelema be bo nininkali jaabi de la.

N b'aw hakili lasigi ko ben mana
ke yelema fen o fen kan, Mali jama-
na nemogc b'o laje ni hakillidaye
ye.

Anw ko senekelaw ka nafa ani



kooribaara ka soro n'a ka baaranumanya doro. Yelema bee ka kan ka tali ke o de la. Wale fen o fen be ke ka nesin yelema keli ma, olu ka kan ka ke a tuma na, u ka kan ka ke wale numanw ye ani wale kene manw ye. U ka kan ka ke bee jemakow ye.

O koro ye k'u ka kan ka be jatamine fesefeselen kono min be tali ke an yere ka faamuya la ani ka i sin-sin jamana werew ta kan, kerenkerennenya na an dafejama-haw.

Aw ka kan o tuma na ka ke noggonnambagaw, mujubagaw ani sabalibagaw ye. Jekabaara koro bee de ye nin ye, an benn'a kan ka min ke.

N balimaw,

N be dugawu ke Ala ka baaraw ne an bolo !

Aw ni ce aw ka tulomajo la !

Haketo be nin kan, lajeba dayelela !

Bayelemabaga

Sumana Kane, PG.-D

Haate ! Nin y'an ka goferenamanjema ka kumaw ye, kooriseneaw ka lajeba kene dayeleli hukumu kono. Ko bee fo. Lajeba in n'a labenbolow kan, ko bee fana gelyayorow fesefesera. A to tor'a sa, bee k'a ka lahidu talen tiime : cikelaw ; Mali jamana ani

seneko netaa demedonbaaradaw BIM, BNDA...

An ka goferenaman nemogo ka jemukan ma nogo fosi to lajeba in kekun foli la. O ye Alataanuko ye barisa koori be joda min na Mali jamana ka netaa la, o te jodanin ye. Tine don, sanu be be an bara yan. Nka koori ye nonabilabali ye dere ! K'a ta CMDT maraw kono, ka se Ottuwale maraw kono, koori de be cikela caman kunnadoni girin jigin san o san kasoro ka Mali jamana yere ka jonsenkan galabutigya. Fo ka se bi ma koori de y'anw ka nafasorofen bee baju ye. Ale de be taji nonabila an bara yan ani geji ni dugujukorofen tow bee ka be sanu na. Munna an be se k'an sigi k'o ka sinijesigi donto ye ngalamana na, k'an bolo fila to an sen kan ? N'o kera fen na yele an na nin te min na. Dimogoba na bin an ne na dere. Aw ko di ? Maa o maa, ni faso Mali in ka netaa y'e kunkoroko ye, i te se ka to i ja kan ka gelyea to kooriko la. Maa si te Mali kono bi k'e te be koori ka nafa donta nunma sira de fe walima sira were fe. Cikelaw, Mali jamana, CMDT ni Ottivale... an bee. Anw Malidenw an ka demedon koori ma, walasa a fana ka deme don an ka sinijesigi taabolo numan ma.

Tumani Yalam Sidibe

Maakoro kuma

Ne Siranna, ne Jorola

Bamananw ko :

"Dayoro finje ka bon ni joyoro ye nka o bee n'a ta an be tele saran joyoro nefe". Folo ni ko o ko tun be, ke i b'a soro kuntigi kelen tun b'a la, nka bi, bee ko i ka ke kuntigi ye, an te muju nogo koro, an te sabali nogo koro, bee koretolen don.

- An be moriw segere ka sarakajugu be walasa an be nemaaya soro.

- An be buguridalaw segere walasa ka do tatiye.

- An be janfajugu kolo sen ka do noni o kono.

- An be dabali jugu ke ka nogon mako sa.

- An be dugubilankalon da nogo na joyoro kanma.

Joyoro koson an ninana Ala ko, an filila an yere ma, an y'an yere danbe tine bogobog, an hakili tinen, hine t'an dusukun na tugun, kuma te makari ma.

Tine don dije ye nata ye, lahaba ye jigi ye, jigi kafisa ni fa ye, nka dije nata kana a to an ka nogo jigitige, dije nata kana a to an ka be hadamadenya na, bawo hakili te dan nka a be koresine. Ni maaya dibi ka bon, hakili de y'a kalamene ye, an ka baara ke ni hakili ye. Aw m'a ye bee be girin ko a ta, mogo si ma a ta soro wa ta wulila bee la, o de ye ne siran, o de ye ne jore.

Aw k'an ben

**Idirisa Setigi Sako
Jamana sorofe**

POLITIKIKO TAABOLO

Mali politikiko!

Mogo te ko jan tige n'i m'i kofile, bawo, dijé ye taa ani segin ye : taa be, segin be, wa seginbaliya fana be

N'i n ye n kofile an ka jamana politikiko taabolo la, n kamana be gan ka soro n ma fen goni dun. Kabini san 1991, fo kana se san 2001 ma, politiki be ka taa i ko sanfiné wulilen ka kurun to baji kan. A be lonbalanba i ko daga-kono-ji ; a be fiyeku i ko jiribolo. Sariyabaju sigilen ko sen kan san 1992, ka meriw sigi, ka depitew sigi, ka jamana nemaa sigi, politikitonw cocacora kosebe. Kabini a be dan kelen-kelen, fo a nana ke lada ye. Ton caman yerekera. "Jensengalamanin" sigira a bee da la sa :

An k'a bo a da fe.

- Fen min ye Senidi (CNIDI) ta ye, o ye tonba ye min sinsinnen tun be kosebe. Nk'a nemaa, n'o ye Muntaga Tali ye, o ni tonden dow fura nogen ko. O kera sababu ye Cebilen Dramé n'a teriw ka Senidi (CNID) sinsan fara, ka taa Parena sigi sen kan ko "sagajigiton". O ton o nemaa kera Yoro jakite ye. San damado o kofe, kelle misenw nana saran Parena fana na, olu wolora Yoro jakite ka "Baara" sigili la sen kan, ko "dunkafa ton". O kera cogo min Alimami Sila ka ton, n'o ye "RDP" ye, o fan kelen kera "PMDR" ye Wahabu Berete fe. O "PMDR" fana wolora Garaba Tapo ka "RND" la, ka soro ka Adama kone ka "PDR" tugun o la. O ta bannen ye. Bawo ton jubatow ka ca Mali kono, i n'a fo "ADEMA", o min wolora Mamadu Lamini Trawele ka

"Miria" la. Ni saya te jor to latige kono, jensenni tena ton to Mali kono : "UDD" fan do taara "MPR" la ; "USRDA" bangera "BDIA" la, "PDP" wolora "CDS" ni "MC CDR" la. An be don min na i ko bi, "USRDA" cesira fila ye : Mamadu Bamu Ture ni Daba Jawara te nogen kan fo. Don o don u be kiiritigeso la. u fila bee ye "US RDA" ke i ko facine. Kiiri be tige u ni nogen ce a nejuman n'a nejugu kan sanga ni waati bee. Tige te fo. Fen min ye "ADEMA" ye, ale nemayaoso maa dow y'u foori ka bo a la i ko Kariba bora komo na cogo min. Kalikan kelen de bu da : fo "ADEMA" fanga ka ban san 2002 kalafiliw senfe. U ka ton togo ko : "aliterinatiwu 2002". N'i ye didenkulu jensennen ye, tasuma bu'ukoro.

Mun nana ni nin bee ye ? Ne ka faamuya la, nejugu don. Bawo, je man gelen f'a labanko. Ni je ma ke tige kan, a fen tununen bee te ye. Ni naniyaw te kelen ye, je te san soro. Wa, n'i ye nin mafile ji nemajolen na, nata b'a baju la. Bamananw ko : "Bore bee be fa fo nata bore". Ni bee ko i ka ke kuntigi ye, ni Ala ma bee da kuntigya kama, fadenkele be wuli. Danbe be tige. Nkalon duguse be je. Horonya be ban, yerebonya be na. Awa hakili be nogo. Dilancogo b'a la wa ? Abe se ka y'a la, nk'a be geleya de. Minen do be jengé, nk'a konofen te bon : N'a y'a soro ton dilankun ye fasoko ye, ni nambala ni nkalon ma sira soro, hakili numantigw be nogen yoronini. Aw k'an ben

**Idrisa Setigi Sakó
Jamana Sorofe baarada**

U ko

Waati mana geleya horonko ma, i b'i da fara i yere kan, n'o te dumuni be ke k'i sigilen to.

**Zan Konate
Jamana gafedilanyoro
Bamako**

Maa ti to jiri la ka jiri were lamine, nka i b'i to mogo la ka mogo were lasoro. Dijé ye sababu ye. Awa foyi ma ni n'a sababu ye.

**Nperé Bili Sisoko
Ka bo cafina
Kolokani**

Dijé ka bon haali i n'a fo a ka dogo kosebe cogo min na. Bee n'i ka dijé yenfan, don. O de kanma an ka kan k'a don ko ni dijenatige ye kurun ye, a tengunbere te fen were ye yerebón ni maa-were-don ko.

**Morike Jara
ka bo selenge**

Aa ! ne filaw den siranna musone. Ni muso ye min fo, a to ke, n'a dun ye min ke a to fo. Aa ! musoya dere !

**Luwi Piyeri Sidibe
arajo Kledu
Bamako**

Ala k'an bo a boda numan fe, o k'a soro i be boda fan fe. Binyoro numan be latige sababu numan fe min ye bocoro numan ye. Awa ko si kelen te tige baju ye dijé kono

**Numri Fomba
ka bo welesebugu**

Faantan sara fenke kelen, faama sara fenke kelen, nafolobatigi sara fenke kelen. A ye bo an kunna ni waso ye

Mali faso folikekulu.

**Lafere be tineko kofe
Mamadou Dunbiya CMDT**

Mali kooriko lajeba ka laniniw

Boko temenen na, fen min bora Mali kooriko lajeba la, an y'olu la kunbabaw tomo k'u lase aw ma. Nin boko in na, an be na lajeba in kunceli laniniw walawala aw ye dakun ni dakun.

Tile 3 kera lajeba la Bamako ka siraw nini

- ka benkan jenjen ta koori soro jiidi- li la,
- ka labenw sabati geleyaw wulili la ka do Mali koori soro kan,
- ka feere tige ka koori soro laben kokura.

O hakilinanw sira fe, lanini dakun kologirin 8 tara lajeba kebagaw fe.

I - Ciketonw labenni kokura

1.1 Ton suguya

1) Bee sago be ka a ka ton sugandi : ciketon minnu be yen ka koro, olu be to senna wa u donni be cikelaw sago n'u dungs la.

2) Ton nemaadaw sigili

3) Cikelaw ka benkan kooriseneton sigili duguw la, ani o nogonna kelen sigili kominiw, ni serkili, ni mara ani jamana kono.

4) Ciketonw lakodonni ka keje ni mara cemaboli tigedaw ye

1.2. Baaraqedon kologirinyali

1) Barika donni ciketonw kunnafoni n'u lakalanni hake la,

2) Ciketonw ka nafoloko nenaboli senkorodoni yereta hukumu kono

3) Kooriseneton farali nogon kan baaraqedon sira kan.

1.3. Ciketonw ka lakodonsebenko

1) Sira nogomanw laboli walasa sariya ka ciketonw lakodon

2) Ciketonw ka sigikansebenw nini sariya ka lakodonni sira fe,

3) K'a ta ninan cikesan na (2001-2002), san 3 ka boloda ciketonw ka se k'u ka sigikansebenw nini o kono sariya sira kan.

1.4. Ko tow

1) Nafoloko dabali ka tige ka bila sen kan, ka kooriseneton laben ka ne walasa a ka ke ko kuntaala jan ye.

2) Nogonkumajogonya kene sigili sen kan cikelaw lapasaliton ni kooriseneton nemaadaw, ni nafolo-



ko cakedaw ce (BNDA, Kafo jigenew) "OGR", Sanburu Dagirikitiri. (Mali cikelaw ka soba kofolenw) ani ciketon fen o fen nesinnen don koori soro ma.

3) Ciketonw nemaadaw nonabilabaga kelen sendonni cakeda nenaboda baara la,

4) Sanburu Dagirikitiri Mali cikelaw ka soba kafolenw), sendonni CMDT n'a baaraqgonw ka benkasenben laje bolodalenw bee la.

Kokorodonni siraw

Koorisene ciketon (APC) hukumu kono :

- AV ka kan ka se k'a ka juruko lahidu talenw bee bo u sira fe,

- AV ka juru talen minnu b'a kanna n'u ma sara folo, APC ka lakodonni ka se olu ma.

- APC n'o bena AV nonabila, o ka son k'i jo AV ka juru talenw bee sarali kunkoro.

- Ka ganseli waralen ke ciketon kura ninnu suguyaw kan

Senekjuruko

1) Musaka botaw dogoyali : "TAF" ka labin, sarataw ka dogoya, juru cogoya ka nefo ka ne, ka nafoloko taabolo jan ni nogoman bila bankiw ka bolo kan.

2) Cikela kasaaralenw ka juru talenw ka labin u ye ani ka juru koro talenw sarali boloda waati were kono.

3) Mogo jurubatalaw (tarikiteritigiw, baara kologirinbaw kebagaw) ka juru talenw sarali waati ka lajanya, o be latige benkan senfe.

4) Senekjurudo tonokanton musaka bota ni juruko sebenw segesegeli, do ka bo o kelen kelen hake la.

5) Konkomani ka damakeje bankiw ni nogon ce walasa ciketonw k'u sago ta u la.

6) Kasaara kumbenni jigiyada ka sigi sen kan waribondaw ni koribaarialaw ni nogon ce.

7) Tarakiteritigiw labenni kulu la walasa ka juruko sira laboli nogoya u bolo.

8) Hakilinanw falen falenni ka nesin joli ma juruko kunkoro.

9) Juru nininen ka di a tuma na a tabaga ma.

10) Magonejuruw sarali nenaboli maakelen kunda

11) Cikelaw kalanni bankiko feerew la,

12) Cikelaw baaratigiyali jurudon siraw la

13) Juru ninitaw fesefeseli yann'u ka di

Kokorodonni siraw

- Ka kalanbolow laben ciketonw ye nafololabaara feerew la.

- Ka nogoya don cesiraw la minnu be ciketonw ni APC n'u demeni cakedaw ce togoda nenaboli ni kalan kalan hukumu kono.

Nogokow lasorocogow ani

senekeminenkow

- 1) Cakeda do sigili noggilan ni senekeminendilan kanma : dabali noggomanw ka tige o senfe, wusuruko ni jagoko ani laminiko sira kan.
- 2) Buremungo dilanni cakeda sigili sen kan Marakala, o ka lateliya ani ka cikelaw sen don a cakeda manankun na
- 3) Segesegelida sigili sen kan ka jesin senekeminew ni nogo jenumanko ma : ketaw dantigelisben 1 labenni ka jesin noggoko ni baarakeminenko lasecogo latemeni ma kenyereyew ka bolo kan.
- 4) Sannikedabaw sigili senkan tono soroli kanma
- 5) Noggoko fan do wjenaboli bilali ciketonw ka bolo kan, o toli sen na ani k'o feere lase koribaara noggoko bee ma.
- 6) Koori laseli CMDT ka bolo fe
- 7) CMDT ka deme laseli ciketonw ma u ka magojefenko kulu sigilen ko baaraw la walasa u k'u sago ta noggow la.
- 8) Kumajogonya sira labenni ciketonw, CMDT, bankiw, jinini cakedaw ni noggol lasebagaw ni noggon ce.
- 9) Kenyereye cakeda dayelenni ka jesin minen nininenw

seereyasabenko ma

- 10) Numuw ka kuluba demeni ka ben ni cikelaw ka senekeminew lasecogo numan ye,
- 11) Wusuruw ni lenpow tali ka bo noggokan
- 12) Numuw kalanni baarakfeere kuraw la
- 13) Jamana bagandumuni hake sorolen tilayor kelen (% 1) dili cikelaw ma.
- 14) Koori koloma hake labaarabaliw feereli cikelaw ma.
- 15) Bagandumuni laseta cikelaw ma, o musaka tali
- 16) Sumanw ni senefen werew noggoko lasecogo jenaboli cikelaw yere fe kenyereyew yoro.
- 17) Duguw noggoko dantigeli n'a jenaboli lajeyali
- 18) Nogo songo ganseli ka kon danni ne yanni a ko be bila kenyereyew ka bolo kan.
- 19) "IER" sendonni noggow sugandili la

Dakun 4nan : senekow lakanasraw

- 1) Kasaaraw kumbenni nafolo sigili sen kan : a sigili feerew ka mafile,
- 2) Kasaaraw kumbenni kulu 1 ka sigi CMDT ni OHVN ka cikemara kelen kelen kono u jenaboli konuman kanma. CMDT ka maa

be ye o kulu la, ka fara OHVN ta, kan, seneko minisiriso ta, bankiw ta, ciketonw ta ani APCAM ta kan.

Dakun 5 nan : Koori koloma songoko

- Ka jateminje jenjor ke CMDT ni OHVN cikemaraw ka soror musaka ketaw kan walasa ka songo dansigili sira kelen bo ni cikelaw ye. Kulu min b'o baara ke cikelaw ka maa b'o la ka fara CMDT, OHVN ni IER ka maaw kan.
 - ka jateminje jenjor ke CMDT labaaralimusaka ketaw kan (cakeda kunda, koori wurusili kunda, a donini kunda ani a noggon werew)
 - ka songo dansigi ni hakili toli ye kerefjamanaw ta la
 - ka feere jenjor sigi senkan cikelaw kunnafonini siratige la koirimugu sansongo kan dije koorisugubaw la.
 - ninan cikesan 2001/2002 koori koloma kana jigin sefawari doreme 40 jukoro.
 - San o san, koori koloma sansongo ka ganse yanni awirilikalo tile folo ka se.
- N'Ala sonna ma, an be koori ka lajeba kunceli lajini tow lase aw ma boko nataw kono.

Yusuf Jalo

Segu malosenebaarada ye banankusene jiidi dugukunna

Bananku ye senefen ye an ka jamana marayor naaninan cikelaw y'u sebe don min seneni ma. O siratige la, Segu mara kono, dugukunna-kaw y'u ka soror ntuloma folo ke bananku ye. Dugukunnakaw b'u ka nin "jamandinge" bo cogo di ? Nafa min be soror a la, o be ke mun ye ? Nin jaabi ninnu jininisira kan, an wulila ka Dugukunna segere. An n'an balimamuso Jelika Kumare ye noggon kumajogonga.

Jekabaara : *An balimamuso, togo n'i bodugu fo an ye. I ka tila k'i da don Dugukunna bananku la.*

Jelika Kumare : Ne togo ye

Jelika Kumare, ka bo Dugukunna. Dugukunna file Segu tilebinyanfan sirabada la. Kilometere 7 de b'a ni Segu ce.

Fen min ye banankuko ye, a daminenan fe kolonsen do de senfe. Poroze min y'o sen, an y'a lajini o fe a ka an deme banankuko la bawo a be soror an fe yan. O waati, an be bananku doni ka taa n'a ye sugu la. N'a ma san, an be segin n'o wotorofa caman ye ka na a ton dugu kono. An t'a don an be a fe fen min ye. An tun be fen o fen don a la, o y'a balabali ye k'a dun.

Jekabaara : *Aw y'a laben cogo di walasa ka ton bo bananku la yan ?*

J. K. : Laben ju bora Ofisiri cakeda de la. O nana maa fila sugandi dugu kono n'an ka lajini ye ka taa tile 5 kalan ke Bamako kin na min be wele ko Ntomikorobugu. Kalan kuntaala bolila bananku bayelemacogo kan k'a ke cekye ye. Nin baara in kanma, an ye jekulu sigi k'a wele ko "Benkadi". A tonden be se maa 300 hake la (muso y'o la maa 200 ye, a to ye cew ye). Bananku baarali n'a bayelemani ye musow de ka ciya ye. Cew be bananku sen. Musow b'a san. Banankujago be ke o cogo la.

Jekabaara : *I da sera masin ma min be bananku ke cekye ye. Aw y'o baarakeminien soror cogo*

di ?

J. K. : O masin sorola Ofisiri cakeda ka deme kono. Masin songo be se sefawari miliyon 2 ni doonin na. A dira anw ma wa an be sefawari doreme baa 1ni doonin de sara a kunkoro. Ni baara kera kembe o kembe, an be mugan ta k'o bila masin ladilan ni musakaw ne n'a tijena. O kekun ye walasa baara kana jo... Gazuwalii songo be bo o la.

Jekabaara : *Cekte in yere be dilan aw fe cogo di de ?*

J. K. : N'an b'a dilan, an be bananku woren ka je. an be sorol ka bejuwari saba fa ji la. A be ceri ka ke do kono ka tila k'a ko k'a ke dower kono. O kun ye nogo kana to a la bawo a be taa konobara la. Koliko 3 in koro ye sanuya de ye. N be n sinsin o kan. An be sorol k'a saalon k'a ke masin kono o k'a si. N'an y'a bo masin na, an be ji k'a la. O ko a be lamaga ka tila k'a ke bore jelen kono. O bore be bisi ka bananku silen ji bo a la. Ji min be bo o de ye ngomi ye. Naga min be to bore la, o de ye cekte ye. Walasa o cekte k'a ka cekteya dafa, fo i ka majan k'a la. O be laben cogo di ? I be bananku were de woren k'o ke ta la daga kono. N'a wulila, i b'a bo k'a sigi a ka sumaya. I be sorol k'a meleke mana jelen do la, k'a bila a ka kumu tile 4 fo 5. O majan sorolen fana be ke ntentulu la (a be se fana ka majan ke tigatulu ye). I be ntentulu sigi ta kan. n'a bilenna, i be majan sorolen k'a la. N'a jera i ko bananku, o koro ye ko tulu jena. Ni tulu ne kera nere ye, o koro k'a ma bilen. O ko, i be majan in ni tulu nagami nogon na. I be sorol k'a ni cekte goro nogon na. I be sorol k'o bila ka si fo ka dugu je. N'o kera, cekte ni majan be nogon mine. O de ye balo ye min nafa ka bon farikolo la. Oho, n'a kumuna yoronin kelen, a te se i k'a fo k'i be winegiri san k'o k'a la. An be bananku baara nin cogo in de la



"ORS" ka baara dan te malosene gansan ye...

Dugukunna yan. Nin baara be ke Dugukunna tarata o tarata. N'an b'a fe k'o cekte sorolen laja walasa k'a lasagon san ni san, an b'a da tileladibi kan. Ni tila kera, cekte be baara so min kono, a baarakeminew an be nin bee ko k'a je k'a bila.

Jekabaara : *Nin baaraw kofe, aw ye sannifeere laben cogo di Dugukunna k'a nesin aw ka nin nafasoroda ma ?*

J. K. : Ofisiri de b'an deme o sira kan. O hukumu kono an sera Bamako ka taa ben ni lajeba do ye. An ka baara jirala o senfe. Maa y'an kofe nogon ye. O waati, an taara ni cekte fen o fen ye mananin na, toni 2 nogon, o bee banna. An donna ni doreme ba 14 ni 880 ye Dugukunna.

Jekabaara : *Ofisiri y'aw deme nin cogo la. Yali n'a y'aw labila aw kelen na, aw be se k'aw jo sannifeere lahiduw koro wa ?*

J. K. : Ni Ofisiri y'a senbo bananku sannifeere la k'a to an yere bolo, o ye yereeta sira ye. An b'o baara la bawo maaw bena cekte san an yere bolo Dugukunna kono. Dugukonmogow ni maa werew minnu be bo Banankoroni ani Zanbugu, olu be na sanni ke. An be bananku don mananin na k'a feere doreme 80, ka taa n'a ye

Segu dogo la. N'o bora a la, bakurunba sanbaga te an bolo k'a fo k'o bena bore caman ta an bolo. N'an y'o sanbaga sorol, an n'o tigi tene tijen a la bawo cekte caman be an fe yan. An yere wulilen don sannikebaga jenjew ninini na. O baara kebaga ye Jelika Ba Tarawele ye. Ale mana taa dogo la, a be Dugukunna cekoko ganseli ke.

Jekabaara : *An balimamu Jelika Kumare, e be nin korofo in kunce ni mun ye ?*

J.K. An dugukunnakaw tun donnen te jamanadenw fe folo. nka bi, ala ni banankuko sabu la anw lakodonna jamana fan bee. O bora Dugukunnakaw, a cew n'a musow ka cesiri la. An senkorodonbaga, nin banankun baara in na, o kera "ORS" ye. An ka foli be lase a cakeda baarakela ceman n'a musoman bee ma. Banankuko y'an bolo sabu numan ye. An be bananku labaaracogo min na, o b'a to an be dumufen ce ni di jamandenw ma, wa Dugukunna Benkadi yere be sorol ke haali a ko la. Banankubaara ye timinandiya baara ye. N be min fo k'a da nin kan o de ye ko filiyoro te bananku la.

Korofo tabaga Dugukunna taama senfe Yusuf Jalo

"World vision" nema ka taama Bila mara kono.

Jumadon, okutoburukalo tile 13, san 2000, World vision nemaaba Eli Keyita ye taama ke Bila, ka nesin a baarakemogow ma minnu sigiyoro bennet be Bila dugu kono ma. O hukumu kono, jekabaara Sebennekela do ye a sen bo a kono koro ka taa nininkali ke nema la ka nesin a ka taama in ma.

Jekabaara : karamogo Eli Keyita, e ye World vision nemaaba ye Bamako yan, dogokun temenen, i ye tile-kelentaama ke Bila dugu kono, i be se ka do fan ye taama in kun kan wa ?

Karamogo Eli Keyita : N taara world vision ka taama na Bila mara la ka d'a kan, n'i kera Jama nema ye, i ka kan ka wuli ka se maaw ma u ka baarada la ka u ka geleyaw don, ka baro k'u fe, k'u deme ka o geleyaw lateme. Sabu, o ye nema jojoro ye. Sanko anw fe world vision na yan, nemaaya koro ye ko demebaga. O siratige la, ne ka baara hukumu kono ne t'a wele ko nema, ne b'a wele ko maa tow demebaga. N'o dun don, waajibi don n'ka taa bo mogow ye. O hukumu kono. N ka taama kuntu te dowerye ye, an ka san kura damineha okutoburukalo tile 1 san 2000. O siratige la, n taara ka Bilakaw kuma nogoonya, u ye san damine cogo min na, ni geleya be yen, ka fura nin'o la, ni geleya yere te yen, an be nogn deme walasa san kura be lateme : ben, kelenya ani nognfaamu kono.

Jekabaara : kgo Eli, aw ka nogoonye in senfe, aw da sera geleya do ma wa ?

Karamogo Eli keyita : U da sera geleya damadow ma.

Folo : a yera k'a fo ko sanji ma laboli ke fan bee fe. O hukumu kono, an ka sigi n'a ye k'a don ko du do bena ke balo tene laboli ke minnu kono. World vision ka baa raw taabolow koson, a ka kan an

k'olu don k'a bila. N'a nana ke kefen ye, an be se ka deme nini cogo min na kokan ka nesin o tigilamogow ma.

Filan : An ye baara kura do boloda san 2000 ni 2001 kono na, min ye musomaniw ka negekorosigi ye, ka mogow lafaamuya o kow la, a b'onew n'a kasaaraw. Ka masoro, maa faamuyalenbow ka jateminew y'a jira ko musomaniw ka negekorosigi be ke sababu ye ka b'one caman lase a ma a ka hadamadenya yere kono. O temenen ko, an da sera geleyanin do ma, min be tali ke Bila Arajosoko kan. Ka masoro an ka baara bolodalen bee ka kan ka fili fiye fe arajo la walasa bee k'a men, ka nogooya don baara yere taabolo la a kebagaw bolo. O hukumu kono, an da sera a ma, feere be se ka nini cogo min. World vision be se ka Bila Arajosoko deme cogo min na, k'a ka geleya do wuli ka bo yen pewu. O temenen ko, an da sera san 2001 baara bolodalenw ma, i n'a fo .

Lakolisojo, dogotorosojo, baliku kalansojo, kolonsen ani nakbaa raw.

O temenen ko, nin baara bolodalen ninnu be se ka waleya cogo min ani nafolo kasabi min b'an bolo, an da sera olu fana ma. Nafolo ninnu be se ka don da minnu fe, n'a be se ka jamadenw bee nafa n'a ma ke fen tijenye cogo min, an da sera ninnu bee ma n ka taama in senfe Bila dugu kono.

Jekabaara : Karamogo Eli, baa raw bolodalen, ka geleyaw sidon, aw ye feere jumen tige walasa ka ninnu bo a sira fe duguw kono nogooya la ?

Karamogo Eli Keyita : Bi-bi-inna, an ye feere min tige, a dogolen te mogosi la ko yelema donnent be mara taabolo la an ka jamana kono. Ka d'a kan, mara seginna so. O Siratige la, an benn'a kan,

ko an ka baara bee ka nesin kominko ma, ka d'a kan, an be baara ke dugu o dugu la, i b'a soro o dugu be komini do ka mara de kono. O hukumu kono, baara kana ke o komini nemogow ko. Ka masoro n'an be komini nemogow



sendonna an ka baara bee lajelen na, a bolodali fo ka taa bila a waleyali la, a ka c'a la, an be feere soro an ka geleyaw la. An fe yan, an b'a fo ko : sigikafé ye daamu ye. N'o dun ye tije ye, wajibi don, an ni o komini nemogow ka sigikafé ke sanga ni waati bee lajelen kono. Ka masoro olu ka baara nesinnen be u ka komini yiriwali ma. An ye fura fen o fen soro geleyaw keleli la, o ye sigikafé ye an ni komini mogow ce. O hukumu kono an be min nini Bilakaw fe, World vision mogow minnu be yen, u k'u jija ka sigikafé sinsin u n'u ka komini mogow ni nogn ce, o de y'a boda numan ye.

Jekabaara : Karamogo Eli Keyita, i da sera a ma i ka kuma senfe, ko sanji ma laboli ke Bila mara fan bee fe. Ne ka faamuya-cogo la, o be balodese taamasiyen jira. N'o kera keten ye, jigisigiyoro be world vision bolo k'o geleyaw kubon wa ?

Karamogo Eli Keyita : Jigisigiyoro be an ye. Ka masoro n'i ye bila mara ta, o dugu ka dogon n'an ma sinjiesigijigins jo min

kono. O sinijesigijigine ninnu tigiw ye no san 99/2000 baarasan ka bila o jiginew kono. A ka c'a la, o now be ne a la. O temenek k'o, o no ninnu sankun te feereli ye. A kun ye ni geleya donna mara kono, u ka se ka no soro u yere kono, n'a ma ke ni yero jan taa ye. O temenek k'o, anw sigikun ye ka mogow deme u ka sinijesigi ani yiriwali baaraw la. Ka d'a kan, kongoto te se ka yiriwa. O hukumu kono, n'an sigikun ye u demeni ye, n'a yera k'a fo u ka geleya kun folo ye baloko ye, wajibi don an ka fen bee dabila k'an nesin baloko ma. N'a donna tigi-tigi ko jakongo donna mara kono, nafolo hake min b'an bolo baara were kanma, an be nefoli ke nafolo dibagaw ye, k'u ye wari min di lakolisojo n'a nogonnaw kama, an be don min na i n'a fo bi, mogow ka ko folo ye baloko ye. O tuma, a y'a to an ka do don balo la ka d'u ma. N'o kera, an be lakolisoko n'a nogonnaw baaraw keli bila waati were kan ni Ala y'o jir'an na. O hukumu kono, n b'a fo ko jigisigiyero b'an na ka da nin yero fila kan. O hukumu kono, an be Ala deli tijeni kana ke fen kuntaala jan ye.

Jekabaara : Karamogo Eli, a be san kelen bɔ, world vision ni jekabaara bolo be nogon bolo baa-rake nogonya hukumu kono, yala i ka kolosili jorjor bolila a baara taa-bolo kan wa ?

Kgo Eli Keyita : N ye kolosili min ke, o y'a jira ko jekabaara y'an deme ka maa caman son hakili la n ka baara taabolo kan. Ka masoro anw ni senekelaw be baara ke nogon fe. Olu dun fana ye maaw ye minnu kalanna bali-kukalan na ; Jekabaara dun be seben bamanankan na. Fen o fen be fo a kono, siga t'a la, mogow b'a kalan, janko an baarakeno, n'o ye cikelaw ye. Ne koni ye min faamu, o ye nin ye jekulu fila ka jenogonya, nafa b'a la. Nafa b'a la cogo jumen na ? jekabaara gafew be taa yero caman na, i b'a soro. World vision mogow tene se yen

taama na. Jekabaara b'an ka baara kofo cogo caman na, ka maa caman son hakili la an ka baarako la, n'a tun fora k'olu kelen kelenna ka temen ka n'i jo an na ka nininkaliw ke, a ka c'a la, olu jaabiliw koson, anw yerew tun tene baara nesoro. Jekabaara be anw fana deme k'a faamu ko an be baara min na, ko baara numan don. Sabu la, n'i y'a ye gafe b'a latige ka sebenni ke i ka baara kan, a b'a dən k'a fo i be baara min na, baara numan don. O hukumu kono, jenogonya in kera sababu ye k'an nisondiya kosebe. Sabu jekulu were y'an ka baara ye, o b'a jira k'an ka baara ka ni, w'a y'a bolo d'an ma, walasa an ka baara be se ka taa ne. O hukumu kono, n be Ala deli, ko an ka je ka taa ne. Ka masoro, jekabaara ani world vision bee kuntilenna y'an falakaw n'an balakaw lahineni ye u ka dinelatige waati kono. O tuma, n'an bee ham y'o ye, a ka c'a la n'an y'an bolo di nogon ma, o be bo ni an balakaw n'an falakaw nafafen ye : kalan, nogonbilsira ani deme kono na.

Jekabaara : Karamogo Eli keyita, baara geleyantan te, world vision ni jekabaara ka bolodinogonma hukumu kono, i ye geleyayero y'a ko la wa ?

Kgo Eli : Bi-bi-in-na, n ma geleyayero ye. N be min nini o ye an ka do fara an ka cesiri n'an ka jenogonya kan. A tun ka di n ye jekabaara bɔ o bɔ, kunnaфони do tun ka soro a la world vision togo la. N ka aw ka baara bonya n'a taayero caya koson, o ka gelen doonin. N ka o bee n'a ta, ni hakilinan be n fe ka fo, o ye ko jekabaara ni world vision ka nogon faamuya a ko la, ni jekabaara be boli o boli ke, a k'a soro fen do sebennen be world vision ka baara kuntaala kono na. N'o kera, a be kunnafonи dili nogoya, k'a sementiya ko jenogonya nenama be world vision ni jekabaara ce. O temenek k'o, k'a jira cikelaw ni jekabaara kalanba-

gaw la, ko world vision ni jekabaara bee lajelen hamie cikelaw demeni ye.

Jekabaara : Karamogo Eli, san kura daminenka ban, hakilinan b'i bolo ka fan ye wa ?

Karamogo Eli : Hakilinan min be n fe ka fo, o ye an ka mogow n'u hakili jira nogon na ko dow la, i n'a fo an ka folo laadalakow ani bi dije kalan sera yero min ma, minnu b'o laadalakow jate k'a fo ko yelema ka kan ka don o la. Diye be ka taa bolo min kan bi, jamana kelen walima siya kelen si te se k'i jo a danma na. Nka an ka laadalako dow be yen, an man kan k'o bee fili. Welekan min be n fe, o ye ka a jira ko an ka laadalako minnu be yen n'u be mago ne, an kolu mara walasa an danbe be to a cogo la. Nka, an ye fen dow ta k'o laada don, a kolosira k'a fo k'o dow ma ni an ma an ka kenya n'an ka ko ketaw la. I n'a fo musomaninw ka negekorosigi. Tine don, an ka folo maakorow y'a ke. Nka bi, dije dogotorobaw y'a ye k'a fo ko laada dow ma ni an ma an ka kenya siratige la, ani adamadenya ni kow yere kecogo la, an ka kan ka o dow to yen. I n'a fo musomaninw ka negekorosigi. N'i y'a jatemine, an momusow n'an baw y'a ke, kabini lawale a be ke. Nka bi-bi in na, dije maa faamuyalenbaw y'a jira ko nin ye laada ye min be bone lase an ma. O hukumu kono, o ko dow sera dabilali ye.

Jekabaara : Karamogo Eli, welekan b'i bolo ka fo jamadanew bee lajelen ye wa ?

Karamogo Eli : Welekan min be n bolo ka fo jamadanew ye, o te doewre ye an bee k'an jija ka fade-nya jalanw dabila k'an cesiri faso baarali fe. Ka masoro mogow were sitena se ka na jamana in baara an no na yan. O hukumu kono, bamanaw b'a fu ka nsaana do la ko : "bolo mana funun, a be da a tigi yere disi la".

**Korof tabaga
Yusuf Fane**

Bamako bənkan

Sijan taamasere ye kəneya ye, wa kəneya tə sankorəta ni lakana ma sabati. Nin de ye jamanakuntigi musow ka nəgonlasorokun ye Bamako yan. Mali kono, k'a ta mekalo tile 7 ka se a tile 8 ma, san 2001.

"Vision 2010" haminanko ye ka dan sigi musow ni denw nin tijenni na bange senfe farafinna worodugu n'a cəmance la.

An k'a dən ko kənəbara kənəfen, ni geleya b'a la, o b'e se ka fijé bila muso ni den ka dīnelatige la. Hakili jigin ka k'e wale la min b'e wele ko "Bange deguntan" n'a sigira senkan san 1987, a ye dijé bée hamid bange ka su bolen kan. Bangeko ye fən ye da tun tə se ka don min na fəlo. Nin dara fən were caman kan minnu tun b'e den ni ba ka kəneya kan. Bangeko kasaara dəgoyali jumine na yen de.

A jirala ko :

- Muso ni den toli bangeyorō la, o ka ca an fan fe yan.
- Muso 100 o 100 min nin b'e to kələ in na, 75 nəgon b'e da jiginni tuma, wali sanga damado u jiginni k'o.
- Musow toli musokelē la, o de b'e ka falatōw caya.
- Muso ni den man kan ka to bangeyorō la cogo si la.
- W'a saya caman tə kundonbaliya ye dəkətərō fe de, nka jubaju ye a fura yərə kebaliya ye a la, wali furantaya ani muso nəjoonabaliya dəgotorōso la.
- Geleya, faantaya, kalanbaliya, nin b'e de b'e ka dīnelatige ani furakəliko k'e degunba ye musow kan.
- Muso kənəmwani denw, olu de ye dijé doni girinw tabagaw ye. Geleya, kələ, kəngə, bana jugu, o b'a soro kəneya cogo t'u kərə, hali boloci cogo... o la sa f'an k'a dən ko :
- Musow ni dennerenniwa ka saya bange sen fe, o b'e se ka bali, hali a wari man ca.
- Fən min b'e se k'an hakili latige kənəbarako ni jiginniko la, o ye furakəliko faamuyalenw, ani furakəliyorō surunyalı ye məgowlə.
- Jamana sariyatigiw k'u nəsin kəneyako sankorətali ma musow ni denw yorō.
- Wale min ye dansigili ye musokelē la, o te san soro fo dəməbaajekulu ni kumatigiw k'u cəsiri k'u bolo di nəgon

ma. O ye jənniwa ko ye : jamanajemaaw, kənyəreyew jamana kənəmaaw.

A ka kan cakeda minnu nəsinne b'e jamana ka yiriwali ma, olu k'u kan di musokelē in kənbenni na.

An dalen b'e "Vision 2010" in ka timi-nandiya la musokelē fanga dəgoyalikola.

1. An b'e taasibila k'e ka taa :

- a) feərē minnu bolodalen b'e ka nəsin denmisenniwa ka hake ma n'o ye (CDE), ani sariya minnu tara musow ka dennawoloma kələli ka ma, n'o b'e wele (CDEF)
- b) Dijé bée nəgonkunben min ye baara boloda ka taa jamanaw ka yiriwali sira fe, o ye CIPD'ye.
- c) Dijé seleke naanin maaw ye laje min ke denmisenniwa təgəla la.

An k'an ka ənəniya kəlen n'an ka cəsiri jira ka nəsin nin taabolo in ma.

Fəlo : Sanni san 2010 cə, muso ni den minnu b'e to bange sen fe an ka jamanaw kono, o ka dəgoya ka se tilance la. Filanan : An ka feərew tige an ka sigidaw la, min b'e demənəgonya sinsin walasa ka musokelē in kənbenni Sabanan : Musow ni denw nin tijenni bangeyorō la, o ka k'e fantanya kələli bolofara dəj ye.

Naaninan : Balikukalan ka sankorəta musow yorō.

Duurunan : Fən o fən b'e se ka bənbalıya n'a maasibaw dan sira la, an b'o senkorəmatintin, sabu o doni girin tabaaw ye muso ni denw ye.

Wəorənan : An ka bange n'a cogoyaw nəfə denmisenniwa ye.

Wolonwulanan : Sida banakise (VIH) yələmali den fe k'a to kənəbarako la, an ka kənbencogo nini o la.

2. An bənna min kan o file :

1. Donniyiriwakalanw ka k'e ka nəsin bangew səbəli ma nəgon na, ani muso kənəmwani kənəmwani teliya la
2. Kunnafoni kərenkerənnen ka di məgowlə ma bange n'a kənakaw kan.
3. Bée lajelen ka sendon bange ka maasiba in kələli la, k'a ta duguma fo sanfe, walasa faamuya ka jiidi seko ni damajira kənə.
4. Cew k'u joyorō fa muso ni denw ka kəneyako kuma foyorō bée la.

3. Welekan

An b'a nini jamanaw bée, fe, u ka "Vision 2010" senkorəmatintin a ka

nin baara bolodalen in na.

4. Lahiduta

- a) Sanni san 2001 ka ban, waleyə ka bolda "Vision 2010" kono ka nəsin musokelē ka nəgonfanga dəgoyali ma.
- b) yiriwalisira minnu b'a to "Vision 2010" ka sijan sərə, an k'an sinsin olu kan.

5. Lañiniw

- 1) An b'a nini jamanaw nəmaaw fe, dijé seleke naani kono, ani bañumankə jəkuluw fe, u k'an dəmə ka "Vision 2010" sankorota.

- 2) An b'a nini an baarakenəgōnaw fe, n'olu ye : UNICEF, FNUAP, OMS ani u nəgonna werew, u k'an dəmə "Vision 2010" haminankow ka se ka tiime həre la.

6. Delilikən

An b'a deli Mali nəmaaw fe u k'an ka nin həkilinən in ta ka taa a da lefe kan, farafinna lajeba ken ekan min b'e na k'e OUA təgəla k'a ta nin mekalo tile 28 na fo a tile 31 san 2001. O ye nəbilə ye min b'e kərenkerənen denmisenniwa təgəla seputanburukalo tile kənontonnan san 2001.

Lajeba in jama bənna nin fələn nənni bée kan, o de la, u y'u bolono bila nin seben in na mekalo tile 8 don Bamako yan.

Fanta Kulubali

Jekabaara

Jamanan kunnafonisəbənw

taabolokuntigi

Cegum Bubeyi Mayiga

Labəlikuntigi

Tumani Yalam Sidibe

Səbənəkələkuntigi

Yusufu Jalo

Səbənəkələkuntigi

Yusufu Fane

Yusufu Jalo

Tumani Yalam Sidibe

Dəmənəgōnaw

Fanta Kulubali

Bakari Sangare

Pegeñew kəbagə

Nuhun Madani Tarawele

ko Banun

Baarakenəgōnaw

CMDT-World Vision-

Ofisi Nizeri-Ofisi iri-OHVN

Hake bəta

11000

Batakisira : 2043

Nəgejurusira : 29 62 89

Jamana baarada-Seki zeyedi təgəla

sira-Hamudalayi kin-Bamako